

## Загъсчнрин белг

Халымг АССР-н Деел Советд сунъгългъиг уктдж кесн дөрлдәндән Каспийск района загъсчнр ўзмджтә сән диилвр бәрцхәв. Загъс анънллгъна джилә зура 126,5 процент кўцәгдв. 9 сарин туршарт 83507 центнер загъсн орнутт орулдж өггдв. Джилчилтл зурагъасн давулдж 25 минъгън центнер загъс бәрх болдж авсн даалгъвран загъсчнр хурлар кўцәдж йовна, ода терўнәсн 18 минъгън шаху центнер загъсн бәргдчкн бәәнә.

Төрскидән загъс икәр бәрдж өгхин төлә делгрсн дөрлдәнд

олн зун загъсчнр орлцджана. Нертә загъсчнр Аубекеров, Зубков, Умбеталиев, Карпов, Бембеев, Букарев, Барковенко, Докучаев, Бадма-Халгаев эдн джилә зурагъан кесг холван давулдж кўцәчкн йовна.

Колхозмуд дунд дөрлдәнә нўўрт „Каспиец“ колхоз йовна, джилә зурагъан колхоз 137 процент кўцәв.

Района колхозмуд болн совхозмуд олна малд 12200 тонн өвс, 905 тонн силос белдв. Эннь хойр джилд элвгәр кўрхмн.

М. НИМЯЕВ.